

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N 01-11/80

ქ. ბათუმი

02 დეკემბერი, 2016 წ.

საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის საინფორმაციო ტექნოლოგიებისა და კომუნიკაციების სამსახურში სტაჟიორთა მისაღები კონკურსის გამოცხადების შესახებ

„უმაღლესი განათლების შესახებ“ საქართველოს კანონის 23-ე, 24-ე მუხლების, ბსუ-ს წესდების მე-15 მუხლის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტში სტაჟირების გავლის წესის დამტკიცების თაობაზე“ ბსუ-ს წარმომადგენლობითი საბჭოს 2013 წლის 29 მარტის N2 გადაწყვეტილების, საინფორმაციო ტექნოლოგიებისა და კომუნიკაციების სამსახურის უფროსის ზვიად ბერაძის 2016 წლის 10 ოქტომბრის MES 5 16 01214001 მოხსენებითი ბარათის საფუძველზე

ვ ბ რ ძ ა ნ ე ბ :

1. გამოცხადდეს კონკურსი საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის საინფორმაციო ტექნოლოგიებისა და კომუნიკაციების სამსახურში 2016 წლის 15 დეკემბრიდან არაუმეტეს 2 თვის ვადით სტაჟირების გავლის მიზნით კანდიდატთა (სტაჟიორთა) შესარჩევად.
2. კონკურსში მონაწილეობის მიღება შეუძლია ბსუ-ს ფიზიკა- მათემატიკისა და კომპიუტერულ მეცნიერებათა ფაკულტეტისა და ტექნოლოგიური ფაკულტეტის საინჟინრო და ტექნოლოგიური მიმართულების ბაკალავრიატის მე-3 ან/და მე-4 სასწავლო წლის, მაგისტრატურის სტუდენტებს ან ამ პროგრამების კურსდამთავრებულებს.
3. კონკურსატმა 2016 წლის 5 დეკემბრიდან 9 დეკემბრის ჩათვლით ბსუ-ს კანცელარიის მეშვეობით უნდა წარმოადგინოს:
 - ა) პირადობის დამადასტურებელი მოწმობის ასლი;
 - ბ) CV;
 - გ) ცნობა სტუდენტის სტატუსის შესახებ ნიშნების ფურცლის ასლთან ერთად ან დიპლომის ასლი (კურსდამთავრებულთათვის);
 - დ) ერთი ფოტოსურათი (3X4);
 - ე) ცნობა სოციალურად დაუცველობის შესახებ (არსებობის შემთხვევაში);
4. 2016 წლის 13-14 დეკემბერს, გასაუბრების საფუძველზე შეირჩეს 4 სტაჟიორი (ორ-ორი სტაჟიორი, დღის პირველ და მეორე ნახევარში სამუშაოდ).

5. შერჩეულმა სტაჟიორებმა სტაჟირების პერიოდში საინფორმაციო ტექნოლოგიებისა და კომუნიკაციების სამსახურის პერსონალის კოორდინირებით შეასრულონ საინფორმაციო ტექნოლოგიებისა და კომუნიკაციების სამსახურისათვის დაკისრებული ფუნქციები (უზრუნველყონ უნივერსიტეტის კომპიუტერული ტექნიკის ტექნიკური და პროგრამული გამართვა, ინტერნეტის ქსელის აწყობა, wi-fi-ის გამართვა, უნივერსიტეტისათვის საჭირო სხვადასხვა საინფორმაციო ტექნოლოგიების მომსახურების გაწევა).
6. სტაჟიორთა ხელმძღვანელის მიერ წარმოდგენილი მოხსენებითი ბარათის საფუძველზე განისაზღვროს წარმატებული სტაჟიორები, რომლებიც შესაძლებელია დასაქმდეს არაუმეტეს 6 თვიანი კონტრაქტით.
7. წარმატებულ სტაჟიორებზე გაიცეს სერტიფიკატები.
8. კონტრაქტით დასაქმების შემთხვევაში ყოველთვიური ანაზღაურება განისაზღვროს შესაბამისი დატვირთვის გათვალისწინებით, არაუმეტეს 500 ლარით სრულ განაკვეთზე.
9. განცხადება სტაჟიორთა კონკურსის გამომცხადების შესახებ გამოქვეყნდეს უნივერსიტეტის ვებგვერდზე.
10. ბრძანების შესრულებაზე კონტროლი დაევალოს ბსუ-ს ადამიანური რესურსების მართვის დეპარტამენტს.
11. ბრძანება აღსასრულებლად დაეგზავნოს ბსუ-ს შესაბამის სტრუქტურულ ერთეულებს.
12. ბრძანება შეიძლება გასაჩივრდეს მოქმედი კანონმდებლობით დადგენილი წესით ბათუმის საქალაქო სასამართლოში (ქ. ბათუმი, სტეფანე ზუბალაშვილის №30) მისი გამოცემის დღიდან ერთი თვის ვადაში.
14. ბრძანება ძალაშია ხელმოწერისთანავე.

ადმინისტრაციის ხელმძღვანელი



ჯემალ ანანიძე